

## OKVIRNI SPORAZUM

između:

1. JAVNA USTANOVA OSNOVNA ŠKOLA "Silvije Strahimir Kranjčević" Sarajevo sa sjedištem u Sarajevu, ul. Mehmed-paše Sokolovića br.2, 71000 Sarajevo, koju zastupa direktorica Dženita Kurtović (u daljnjem tekstu: Kupac), identifikacijski broj: 4200236350006 JRT broj 3380002210019263 kod Uni credit banke i

2. "MBA Centar" d.o.o. Sarajevo sa sjedištem u Vogošći, u ulici Hasana Merdžanovića broj: 3, kojeg zastupa Kraljić Asim (u daljnjem tekstu: Prodavac), identifikacijski broj: 4200644390008 PDV broj: 200644390008, transakcijski račun broj: 1940016017600107 kod PRO Credit banke.

### Član 1.

#### (Predmet okvirnog sporazuma)

(1) Predmet ovog okvirnog sporazuma je nabavka roba-školskih obroka za potrebe Kupca, prema specifikaciji iz člana 8. ovog okvirnog sporazuma.

(2) Kupac i Prodavac su saglasni, da okvirni sporazum realiziraju prema definisanim uvjetima u tenderskoj dokumentaciji, broj: 12-2-960/18 od 13.11.2018. godine i prema sadržaju ponude broj: 2011-1/18 od 20.11.2018. godine sa kojom je Prodavac učestvovao u provedenom postupku konkurentskog zahtjeva za dostavljanje ponuda.

### Član 2.

#### (Cijena)

(1) Okvirni sporazum se zaključuje sa procijenjenom vrijednosti, u iznosu do **23.000,00 KM** (dvadesettrih hiljade konvertibilnih maraka) bez uključenog PDV-a.

(2) Isporuka obroka iz člana 1. ovog sporazuma će se plaćati prema utvrđenim pojedinačnim jediničnim cijenama iz Ponude Prodavca broj: 2011-1/18 od 20.11.2018. godine, koja se neće mijenjati tokom sporazumnog perioda.

(3) Ukupna plaćanja bez poreza na dodatnu vrijednost, na osnovu svih pojedinačnih isporuka dnevnih menija po zahtjevima Kupca na osnovu ovog okvirnog sporazuma ne smiju prelaziti procijenjenu vrijednost nabavke iz stava (1) ovog člana.

### Član 3.

#### (Nepromijenjivost cijene)

Prodavac se obavezuje na nepromijenjivost cijena tokom cijelog ugovorenog perioda.

### Član 4.

#### (Rok isporuke)

Isporuka obroka iz člana 1. ovog okvirnog sporazuma će se vršiti sukcesivno i kontinuirano u toku trajanja okvirnog sporazuma i to dva do tri puta dnevno svakim radnim, odnosno nastavnim danom a po zahtjevima Kupca.

### Član 5.

#### (Način isporuke)

(1) Obaveza Prodavca je da robu iz člana 1. ovog okvirnog sporazuma isporuči u Sarajevu na adresu JU OŠ "Silvije Strahimir Kranjčević" Sarajevo, ul. Mehmed-paše Sokolovića br.2, 71000 Sarajevo.

(2) Cijena isporuke obroka je sadržana u cijeni navedenoj u članu 2. ovog okvirnog sporazuma.

(3) Kod isporuke robe Prodavac će vršiti kvalitativno i kvantitativno preuzimanje i kontrolu, te zadržati pravo, u slučaju neispunjavanja traženih kriterija, odustati od ovog okvirnog sporazuma.

### Član 6.

#### (Viša sila)

(1) Kupac i Prodavac se neće smatrati odgovornima za kašnjenje u ispunjenju obaveza prema ovom okvirnom sporazumu, neposredno ili posredno, ako je zakašnjenje usljed više sile.

(2) Pod višom silom podrazumijevaju se slučajevi koji se mogu pojaviti poslije stupanja ovog okvirnog sporazuma na snagu, a koji nisu pod kontrolom ni jedne sporazumne strane, niti se objektivno mogu predvidjeti, a sprečavaju jednu ili obje sporazumne strane u ispunjavanju preuzetih obaveza po ovom sporazumu.

(3) U što skorijem roku, nakon djelovanja *više sile*, a ne duže od dva dana, Prodavac detaljno obavještava Kupca pismenim putem o djelovanju *više sile*. U slučaju da se utvrdi da Prodavac nije u mogućnosti da ispuni obaveze prema ovom okvirnom sporazumu, Kupac ima i može koristiti, pravo na raskid ovog sporazuma o čemu će pismenim putem obavijestiti Prodavca u roku ne dužem od tri dana nakon saznanja o djelovanju više sile.

#### **Član 7. (Garancija)**

Prodavac garantuje da će isporuka iz člana 1. ovog sporazuma biti propisanog kvaliteta koji je određen prema važećim standardima i certifikatima i obavezuje se da će dostavljati Kupcu odgovarajuće dokaze o izvršenoj kontroli nadležnih institucija ovlaštenih za kontrolu hrane.

#### **Član 8. (Specifikacija hrane)**

Sastavni dio ovog okvirnog sporazuma je specifikacija školskih obroka – dnevnih menija sa okvirnim količinama, jediničnim cijenama i ukupnim cijenama po pojedinim stavkama koju je Prodavac priložio u svojoj ponudi broj:2011-1/18 od 20.11 2018. godine sa kojom je učestvovao u postupku konkurentskog zahtjeva za dostavljanje ponuda. Količine u specifikaciji su okvirne količine usluga isporuke pripremljenih obroka, s obzirom da se tačna količina nabavke za period trajanja okvirnog sporazuma ne može unaprijed odrediti.

#### **Član 9. (Period trajanja sporazuma)**

(1) Ovaj Okvirni sporazum se zaključuje na period od 3. decembra 2018.godine do kraja kalendarske 2019.godine, odnosno na vremenski period do iznosa procjenjene vrijednosti okvirnog sporazuma.

(2) U ugovornom periodu, sporazumne strane imaju pravo da za predmet sporazuma opisan u članu 1. ovog okvirnog sporazuma zaključuju pojedinačne ugovore po potrebi bez primjene postupaka utvrđenih u Zakonu o javnim nabavkama, u pogledu svakog od ugovora koji su zaključeni po osnovu ovog okvirnog sporazuma.

(3) Ukoliko se jedna od ugovornih strana ne bude pridržavala odredaba ovog sporazuma, okvirni sporazum se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog okvirnog sporazuma.

(4) Otkazni rok po ovom sporazumu je 15 dana, a sporazumne strane ovog sporazuma se obavještavaju pismenim putem.

#### **Član 10. (Zaštita prava)**

(1) Sve nastale sporove Ugovorne strane će riješiti sporazumno, a ako to nije moguće spor će biti riješen pred nadležnim sudom u Sarajevu.

(2) Na sva prava i obaveze sporazumnih strana koja nisu regulisana ovim okvirnim sporazumom, primjenit će se odredbe zakona o obligacionim odnosima.

#### **Član 11. (Stupanje na snagu)**

Ovaj okvirni sporazum stupa na snagu danom potpisivanja od strane ovlaštenih osoba sporazumnih strana a primjenjuje se od 3.12.2018.godine.



## Član 12.

### (Broj primjeraka okvirnog sporazuma)

- (1) Ovaj okvirni sporazum sačinjen je u četiri istovjetna primjeraka, od kojih svaka sporazumna strana zadržava po dva primjerka.
- (2) Sastavni dijelovi ovog Ugovora su dijelovi Ponude Prodavca: Obrazac za cijenu ponude, Tehnička specifikacija i Tenderska dokumentacija Kupca, broj: 12-2-960/18. Prilozi ovog Ugovora su dijelovi Ponude Prodavca: Obrazac za ponudu i Izjava ponuđača (Aneks 2.), Obrazac za cijenu ponude (Aneks 4), Tehnička specifikacija (Aneks 3) .

**Prodavac**

Direktor  
~~Mehmedalija Kraljić~~

Broj:  
Sarajevo, 30.11..2018.godine

MBA Centar Sarajevo

Datum: 30.11.2018.

Broj: 5770/18

**Kupac**

Javna ustanova osnovna škola  
"Silvije Strahimir Kranjčević" Sarajevo

Direktor  
/Dženita Kurtović/

Broj: 12-2-1000/18  
Sarajevo, 30.11..2018.godine